

## Higher Gaelic - Listening - Working abroad

**Michelle and Calum discuss Michelle's plans to work abroad.**

**Michelle:** Tapadh leat airson tighinn a chèilidh orm, a Chaluim. Seo dhut a-nis cupa math tì.

**Calum:** Tapadh leat, Michelle. Seadh ma-thà, dè an naidheachd a bha agad dhomh?

**Michelle:** Uill, 's e naidheachd gu math mòr a tha ann. Tha mi an dùil falbh gu Rwanda ann an Afraga a dh'obair airson bliadhna gu leth. 'S e obair shaor-thoileach a bhios ann, agus mar sin cha bhi mi a' faighinn pàigheadh sam bith, ach tha mi gu mòr airson a dhèanamh. Chan eil e gu diofar nach bi pàigheadh agam co-dhiù, seach gum pàigh an carthannas dha am bi mi ag obair na faraidhean-siubhail agam, mo bhiadh agus m' àite-fuirich. Mar sin cha bhi cosgaisean sam bith orm fhad 's a bhios mi thall. Co-dhiù, bidh mi a' cuideachadh dhaoine, chan eil mi ag iarraidh pàigheadh. Tha gu leòr ann dhomh fios a bhith agam gu bheil mi a' cuideachadh dhaoine nach eil cho fortanach rium fhèin 's riut fhèin.

**Calum:** Wow! Dè an seòrsa obair anns am bi thu an sàs?

**Michelle:** 'S e an aon obair a bhios ann 's a tha mi a' dèanamh an-dràsta, bidh mi fhathast nam nurs chloinne. Ach, a bharrachd air a bhith ag obair nam nurs, bidh mi an sàs ann a bhith a' trèanadh nursaichean agus a' sealltainn dhaibh nan dòighean obrach a th' aig nursaichean ann an Alba. A bharrachd air an seo, bidh mi a' co-obrachadh leis a' choimhearsnachd agus le na h-ùghdarrasan gus feuchainn ri ospadalan ùra agus aonadan meidigeach a stèidheachadh.

# Bitesize

**Calum:** Tha mi air cluinntinn mu Rwanda, ach dè an seòrsa dùthaich a tha ann? A bheil e cunnartach?

**Michelle:** Uill, chan eil còir gum bi e cunnartach. Tha Rwanda gu math diofraichte bhon dùthaich againne, chan eil cùisean cho sàbhailte is a tha iad an seo. Tha mòran a bharrachd eucoir ann an Rwanda na tha ann an Alba. Tha cus a bharrachd coirbteachd ann agus tha cuid de sgìrean air leth cunnartach a thaobh fòirneart. A bharrachd air an seo, tha galaran agus tinneasan àraid nach eil ann an Alba glè bhitheanta. Ach, bidh sinn a' faighinn comhairle agus stiùireadh a thaobh a bhith gar cumail fhèin sàbhailte agus, ma bhios mi faiceallach, chan eil còir gum bi trioblaidean agam.

**Calum:** Bheil thu às do chiall? Tha thu airson falbh gu Afraga, dà bhliadhna a chur seachad ann, gun sgillinn de phàigheadh agad, agus galaran agus tinneasan san dùthaich anns am bi thu?

**Michelle:** Gabh air do shocair, a Chalum! Tha mi air smaoineachadh mun seo gu mòr. 'S e cothrom iongantach math a bhios ann. Bidh mi ag ionnsachadh barrachd mun obair agam, mu mo dhèidhinn fhèin agus mun dòigh-beatha ann an dùthaich gu math eadar-dhealaichte. Gheibh mi cuideachd an cothrom a bhith ag ionnsachadh cànan eile, ag ithe biadh ùr agus a' faighinn eòlas air cultar ùr. Agus, an rud as cudromaiche, bidh mi a' cleachdadh an ionnsachaidh agam agus na sgilean agam airson piseach a thoirt air cùram-slàinte dhaoine. Còrdaidh e rium glan!

**Calum:** Uill, chan eil mise cho cinnteach. Ach ma tha thu airson a dhèanamh, tha mi an dòchas gun tèid cùisean gu math. Bidh sinn gad ionndrainn!